

T2056/1109.23(65)
CHINESE - JAPANESE LIBRARY OF
HARVARD - YENCHING INSTITUTE

AT HARVARD UNIVERSITY
OCT 10 1952

苑圃
郊桐

宸垣識略
星



六

六

CM 0 1 2 3 4 5 6 7 8 9 10 11 12 13 14 15 16 17

Lab D502 95/0/2 81/0/0 66/0/0 51/0/1 35/0/0 20/0/0 29/19/-54 55/-39/33 42/57/29 82/4/79 51/50/-13 50/-28/-29

38/14/16 66/16/18 50/-5/-22 43/-14/21 55/-9/-25 71/-32/0 62/34/60 40/9/-43 52/48/17 31/21/-21 72/-23/57 73/19/68



園明圓

門蕪

豐橋

園春暢

門直西

門成阜

臺魚鈞

寺觀雲白

哈佛大
書館
哈佛
珍藏
印

塔持井

秀清盧

城拱

苑南



西少圖卷十一

宸垣識略卷十一

仁和吳長元太初氏輯

苑囿

南苑在都城南二十里永定門外元為飛放泊明永樂時增廣其地周垣百二十里我朝因之設海戶一千六百人各給地二十四畝春蒐冬狩以時講武長元按高士奇云明永樂間繚以周垣百六十里育養禽獸又設二十四園以供花果內有二三水故以海名

南苑繚垣一萬九千二百八十丈為九門正南曰南
紅門東南曰迴城門西南曰黃村門正北曰大紅門
稍東曰小紅門正東曰東紅門東北曰雙橋門正西
曰西紅門西北曰鎮國寺門內海子五

考按朱彝尊所引明一統志稱南苑繚垣一萬八
千六百六十丈中有海子三者實未詳考

南苑總尉一人正四品防禦八人正五品屬奉宸苑

大紅門亦稱北紅門內更衣殿南向門殿二層舊有南苑官

署房三層共十八間

舊衙門行宮在小紅門西南建自前明本朝順治中

重葺門殿四層皆有

御書聯額後殿東為蔭榆書屋西為西書房南為書室

平臺樓之東另一官門內殿二層後為佛室

涼鷹臺在南海子內高六丈徑十九丈有奇周徑百二

十七丈本元仁虞院凡

大閱例于涼鷹臺舉行

張英南苑講武恭紀時平講武近岐陽甲冑蒐春

出建章洛水旌旗周甫草西京詞賦漢長楊御圍

佛室

大閱

雲氣成龍虎天廡星精本
駟霜蓋戟雕弓森羽衛
射生羣與奉 君王

金德瑛南苑大閱恭紀組練飛馳捷羽翰城南草
淨列營寬六師盡識尊尊誼萬乘親升將將壇鼓
角清喧驚野外旌旗雲合映林端正當雪積霜凝
候挾纒恩深土不寒

齊召南南苑大閱恭紀馮牙金甲照南山軍令
重曠曉自頒三陣指揮天地合百年清晏虎貔聞
笳風羽箭于鵬落苑雪桃花萬馬還共說 至尊

雄略盛御園親取大弓彎

雙柳樹在海子居中之地舊有古柳二株先後凋枯隨
時補植並篆題咏有水一道爲飲鹿池崑崙石在池
之西四面勒

御製南苑雙柳樹暨春雲海戶謠雜言東偏石幢勒甲
子年題句

長元按南苑西苑暢春圓明等處宮室亭臺歷年
御製題咏甚多茲不能備列惟已勒石者則謹舉其目
焉

南行宮在南紅門內里許門對苑牆宮門二重前後殿
二層後殿額曰暢遠襟

新衙門在鎮國寺門內約五里許建自前明門殿三層
宮門前鐵獅子二上鑄延祐元年十月製元時物也
後殿東為裕性軒古秀亭西為澹思書屋陶春室皆

御書聯額

團河行宮在黃村門內六里許宮門內前殿額曰琥珀
堂後殿額曰涵道齋別室為鑿止書屋皆

御書 東所大宮門內有東西配殿九間房河中殿宇

平臺石板房右亭水柱房六方亭河亭圓亭 六方

亭在北山之上額曰鏡虹河亭接苑牆之南其下即

團泊之水流向苑外團河迤邐而入鳳河者也圓亭

額曰雲隨

西直門外高粱橋之北宮門內為 倚虹堂堂西二里

許為

樂善園

舊為康親王園亭

門北向內跨小溪南為穿堂東向日

意外味轉石徑而南為於此賞心內為合清齋東為

瀟碧北為約花閣南有軒為雲隨波動 合清齋對

河敞宇爲池月岩雲中穿堂爲翠微深處內爲蘊真
堂南爲氣清心遠別院有室曰鸞舉軒垣外是爲園
之南門

於此賞心之西南爲又一村左有亭爲攬衆翠 意
外味之西穿堂爲得佳賞西爲蘭秘室爲環青渟碧
蘭秘室之北有亭爲賞仁勝地

園門內有樓爲冲情峻賞東北爲紅半樓其旁峙岩
上者爲踞秀亭 冲情峻賞之西南有室爲畫所不
到東爲指長虹再東爲蔭林宅岫內爲古歡精舍

園門以西臨河敞宇爲自然妙有西室爲風滿幽響
再西有軒爲詩畫間爲玉潭清謚亭爲箇中趣亭北
敞宇爲坐觀衆妙西出河口折而南有室爲致灑然
接宇爲光碧涵暉東曰遠青無際爲雲林畫意再東
有軒爲心乎湛然折而南爲綠雲間

樂善園西八里許路北設關門長衢列肆曰萬壽街
從此北達 暢春園

暢春園在南海淀大河莊之北繚垣一千六十丈有奇
本前明戚晚武清侯李偉別墅

聖祖因故址改建爰錫嘉名

皇上祇奉

慈闈于此因在 圓明園之南亦名前園

官門內有小河環繞中為

九經三事殿殿後二官門中為 春暉堂後為垂花門

內殿曰壽萱春永後倒座殿為嘉蔭兩角門中為積

芳亭正宇為雲滙館後度橋循山而北有河池南北

立坊曰玉澗金流門內為瑞景軒為林香山翠後為

延爽樓樓後河上為鳶飛魚躍亭稍南為觀道所左

為式古齋齋後為綺榭

考按園內築東西二隄長各數百步東堤曰丁香

西堤曰蘭芝西堤外別築一堤曰桃花東西兩堤

之外大小河數道環流苑內出西北門五空間達

垣外東經水磨村趨清河西流則由馬廠注入

圓明園自官門至此為暢春園中路

王鴻緒 賜遊暢春園恭紀西嶺千重水流成裂

帛湖分支歸 御苑隨景結蓬壺玉凍凌波迥瑤

臺入漢孤上林曾有賦于此見真圖 湖映千林

綠山園一苑青花間開鳳閣樹杪出龍亭香氣無
邊散鶯聲不斷聽更看幽絕處魚網掛烟汀

蔡升元 賜遊暢春園恭紀高齋凌碧漢甲觀俯
清漪靜檻無遺照澄淵豈易窺燕閒仍典籍苑囿
亦茅茨儉德尤堪紀規模百世師 若比武陵源
尤堪避俗喧桑麻新闢野桃李儼成村列肆符天
市平疇接禁園吾 君遊息處念念在黎元

胡會恩 暢春園侍宴恭紀黃綸夙戒下瑤天遊
集儒臣禁苑前曉月聯鑣三事後薰風鳴珮五雲

邊畫長緩遞花間漏宮靜惟聞柳外蟬清切尚方
調玉膳年來三度渥瓊筵 畫鴛蘭旌曲岸隈乘
查真向御溝來舟移碧鳥干林靜身在冰壺一鏡
開不盡清輝含草樹無邊佳氣拂樓臺雲胞四面
芙蓉發高謙香浮白玉杯

張廷瓚 暢春園引見恭紀西山蒼翠護 宸居
簪珮趨承到玉除地接平疇觀稼穡臆迎深綠擁
圖書柳絲細織春烟外鶯囀初調畫漏餘身入上
林深悶地揮毫獻賦愧相如

御門聽政

皇上後去

雲涯館東南過板橋為劍山上為蒼然亭下為清遠亭由山東轉為龍王廟過清遠亭沿堤而南河上有門西向曰廣渠門內為澹寧居前為聖祖御門聽政選館引見之所後為

皇上舊時讀書處

大東門北山循河西上為淵鑿齋後臨河為雲容水態左廊後為佩文齋齋後西為葆光東為蘭藻齋淵鑿齋之前水中殿宇為藏暉閣閣後為清籟亭佩文齋之東為養愚堂為藏拙齋 淵鑿齋東過小

山口北有府君廟

府君像如星君旁殿奉呂祖像

查慎行淵鑿齋乘舟至瑞景軒蔬珠院露華樓徧觀各種牡丹恭紀宣喚欣承異數加高從雲漢泛仙槎行陪閨苑神仙侶看徧春風穩重花濃淡何心隨造化丹青難貌是韶華旃檀別殿分明到只作華胥好夢誇 艷極真宜過雨看枝頭蕭蕭尚朝寒盤盂向背開瓊扇瓊珞高低現寶鬢白日元中雲五色明波濯處錦千端天邊頃刻成新瑞點出露砂丸轉丹 萬卉千葩未覺稠掃宮老監記

牙籌薌林不斷通三島花海無邊際十洲佳氣茵
藍蒸作霧餘霞縹緲結成樓蔬珠一本尤奇絕徑
尺重臺兩並頭 瑤堦卸砌望迴環映徹層層著
色山 御譜新標題品外花名九十餘 佳名微別
淺深間心如草木春知閩天並 君王壽在顏一
片爐烟成百和袖中攜得國香還

蘭藻齋東北山後西宇為疏峯循岸而西臨湖為太
樸軒東石徑接小東門溪北為清溪書屋導和堂西
穿堂門外為昭回館 清溪書屋西為藻思樓竹軒

清溪書屋雍正間改導和堂東穿堂門即 恩佑寺
恩佑寺奉 御容 佛殿後也

恩佑寺建于苑之東垣內山門東向外臨通衢門內
跨石橋有正殿配殿寺右為 恩慕寺為

孝聖祝釐之所殿宇規制與 恩佑同
考按目劍山至此為暢春園東路

春暉堂之西出如意門過小橋為玩芳齋山後為韻
松軒

勵社訥韻松軒即事詩一過紅橋便有亭勝于蓬

島隔滄浪當堦十畝翻紅藥入望千峰擁翠屏
文鱗縱壑在逍遙鶴唳清音徹絳霄俛仰濠梁聊
自適荷風微度遠香飄

二宮門出西穿堂門為買賣街南垣外為船塢門內
別宇曰西野接無逸齋東門

由船塢西行數武跨河上為韻玉廊西為松篁深處
自右廊入為無逸齋門內正殿為問安憩息之所西
廊內為對清陰廊西為蕙畹芝原

查慎行無逸齋看新竹恭紀地闢琅玕塢天通箭

栝門烟膏連別苑雷雨過前軒
藪藪風開籜泗洞水汪根移栽
初尚淺培護久能繁情笋寧充
饌抽稍盡出藩幾年成翠幕一
徑轉倉垣潤滴莓苔砌高扶薛
荔垣涼陰清有氣新粉淨無痕
直節人皆見虛心道亦存律堪
調鳳吹各豈愧龍孫好報平安
信休孤長養恩親從天上看不
羨白沙村

無逸齋北郭門外南為菜園數十畝北則稻田數頃
齋後稍東有關帝廟

聖祖御書額曰忠義過板橋方亭為蓮花岩對河為松

栢開廟後為娘娘殿殿臺方式建水中

考按松栢間河之東即蘭芝堤西岸即桃花堤

凝春堂在淵鑿齋之西東為純約堂其右河廳為迎

旭堂 純約堂東為招涼精舍河廳之西為轉灣橋

北圓門為憩雲 迎旭堂折而北為曉烟榭河岸以

西為松栢室額曰翠岩山房左為樂善堂別院有宇

為天光雲影 松栢室後臨河為紅葉亭白天光雲

影後廊登山東宇為綠颯山北為回芳墅紅葉亭東

為秀野亭自回芳墅北轉山口水中共閣為葉珠院

額曰憑虛暢襟 葉珠院北埠上層臺為觀瀾榭東

河廳為坐烟榭臺榭後為蔚秀涵清為流文亭 葉

珠院西過紅橋為集鳳軒軒前連房九楹中為穿堂

長元按乾隆戊辰九月大西門樓集侍衛校射

上親發二十矢中十九矢有集鳳軒紀事詩勒石

齊召南大西門觀 御射恭紀鐘隴初日照西山

百尺樓開紫翠間 御苑經寒欣草淺秋風講武

值農閒虎熊的畫君臣鵠鴻鷺墀分左右班何幸

此時叨侍從大日親觀 至尊彎 駟虞聲節九

相當五色雲環 御蓋黃但聽舉旌權破的真看
隨手會穿揚百年禮樂乾坤泰萬國車書日月光
神武祇應崇不殺仰占弧矢直天狼 侍臣如
堵並呼嵩巧力分明不可同容節中和 天子射
弛張高下 聖人弓會聞作賦誇雙兔更說題詞
數六熊何似我 是能百中間臨饗相教羣工
射罷還揮七寶鞭驂騶躑躅過橋前千峯金碧明
流水萬樹丹黃寫遠天豈爲從禽矜羽獵祇緣祭
獸應秋田由來武事關 文德好憶岐陽刻石年

穿堂門北正殿稍左爲月崖右爲錦波亭度河橋西
爲俯鏡清流 穿堂門西出循河而南爲大西門延
樓其外卽西花園馬廠 集鳳軒後河橋西爲開口
門開口北爲小西門北一帶延樓自西至東北角西
樓爲天馥齋自東轉角樓再至東面中樓爲雅玩齋
天馥齋東爲紫雲堂堂之西過穿堂北爲西北門卽
苑墻也

考按自玩芳齋至此爲暢春園西路

西花園在 暢春園西前臨河正殿爲

討源書屋後殿宇為觀德處

沈德潛敬和 御製討源書屋元韻玉泉山色滿

林園欄水依然夾道奔花亞雕闌紅破萼苔侵卸

砌綠添痕龍飛鳳舞欽 皇祖有聖春露秋霜

感 聖孫一月萬川澄印處周情孔思見真源

園西南門內為承露軒後厦為就松室東有龍王廟

西北有門即西花園之大北門也內正宇五楹後室

舊稱為東書房其右為 永寧寺詳郊後為船塢寺

西為虎城為馬廐再西為閱武樓

西花園之前有荷池沿池分四所為 皇子所居曰

南所東所中所以西所俱有正殿正室

圓明園在掛甲屯之北距 暢春園里許為

世宗藩邸、賜園名、

聖祖御書、

世宗有圓明園記、

今上製圓明園後記俱勒石、

園內為門十八南曰大宮門曰左右門曰東西夾道

門曰東西如意門曰福園門曰西南門曰水閘門曰

藻園門東曰東樓門曰鐵門曰明春門曰隨墻門曰
葉珠宮門西曰隨墻門西北曰北樓門為闌三西南
為一空進水闌東北為五空出水闌為一空出水闌
大官門前輦道東西皆有湖是為前湖 二官門為
出入賢良門內為

正大光明殿後為 壽山殿東為洞明堂正大光明東
為

勤政親賢殿東為飛雲軒靜鑑閣其北為懷清芬又北
為秀木佳蔭後為生秋庭靜鑑閣東為芳碧叢為

保合太和正殿後為富春樓東為竹林清響殿後有
湖亦稱前湖正北為 圓明園殿後為 奉三無私
殿又後為

九州清晏殿東為天地一家春西為樂安和又西為清
暉閣閣前為露香齋左為茹古堂為松雲樓右為涵
德書屋

徐本甘霖普降 特召大學士內廷翰林圓明園
泛舟恭紀甘霖昨喜徧郊畿 詔許新晴覽翠微
萬井膏腴方被澤一園草木已含暉波隨櫂影初

生穀涼沁荷香暗襲衣、幸奉良遊瞻 聖藻、疇咨
念念切民依、

彭啓豐甘露普降 賜圓明園泛舟恭紀、上林風
景畫圖工倒影樓臺萬象中秀簇方壺瞻眺遠恩
深太液泳游同涼颺拂處榆槐綠綺浪翻時茵苜
紅仰觀 宸章親灑翰作舟還重濟川功 宵旰
殷懷若雨暘 萬幾遊覽悅時康臣鄰一德觀元
化禁近承恩覲 帝光繞楫鳧鷖淡容與忘機鷗
鷺共游翔欲知圖繪豳風意早盼黃雲稻隴香

介福甘露普降

賜圓明園泛舟恭紀、象湖刻瀾

日長時雨霽涼生太液池躍浪文魚依檻近凌風
沙鳥度舟遲垂楊影裏瞻 天藻流水聲中進小

詩盛典幸逢

幾暇候銜恩均托上林枝

鏤月開雲在富春樓之後、卽紀 恩堂北爲御蘭芬、鏤
月開雲後有池一區、池西北爲

天然圖畫樓北爲朗吟閣又北爲竹籟樓東爲五福堂
迤北爲竹深荷靜東南爲靜知春亭佳又東渡河爲
蘇堤春曉由五福堂渡河而北山阜旋繞內爲

碧桐書院殿宇三重西岩上為雲岑亭書院之西為

慈雲普護前殿南臨後湖其北樓宇上祀觀音下祀關

帝東為圓明園昭福龍王殿西臨湖有樓為

上下天光後為平安院西折而南度橋為

杏花春館西北為春雨軒西為杏花村南為礪壑餘清

春雨軒後東為鏡水齋西為抑齋又西為翠微堂杏

花春館之西度碧瀾橋為

坦坦蕩蕩前為素心堂後為光風霽月堂東北為知魚

亭又東北為萃景齋西北為雙鶴齋其南為

茹古齋今南向後方殿為韶景軒前為茂育齋西為竹

香齋又北為靜通齋茹古齋今之南為

長春仙館門殿三重後為綠蔭軒西廊後為麗景軒長

春仙館之西為含碧堂後為林虛桂靜左為古香齋

東有閣為抑齋林虛桂靜東稍南為墨池雲為隨安

室長春仙館迤西為藻園內為曠然堂為貯清書屋

曠然堂東池上為夕佳書屋北為鏡瀾榭東南為凝

眺樓懷新館西北為湛碧軒西南為湛清華

萬方安和在杏花春館西北建宇池中形如卍字度橋

稍北石洞之南為

武陵春色池北軒為壺中日月長東為天然佳妙其南
廈為洞天日月多佳景武陵春色之西為全碧堂東
南為小隱棲遲堂後由山口入東為清秀亭西為清
會亭北為桃花塢西為清水濯纓室又西稍北為
桃源深處塢東為縮春軒軒東北為品詩堂

出高水長樓在萬方安和西南西向後擁連岡前帶河
流中央地勢平衍凡數頃北度橋梵剎一區為

月地雪后前殿方式四面後有樓東為法源樓又東為

靜室西度橋折而北為劉猛將軍廟循山徑入為

鴻慈永祐即安祐官前琉璃坊左右華表南為日河橋

又東南為致字殿安祐門前有白玉橋內為安祐宮

殿敬奉

聖祖 世宗神御西北為紫碧山房前為橫雲堂山房

東岩洞中為石帆室東南為豐樂軒北為霽華樓迤

東為景暉樓橫雲堂西池上為澄素樓為引溪亭鴻

慈永祐東垣外徑連岡三重度橋而東則

景芳書院內為抒藻軒涵遠齋齋前西垣內為翠照樓

東垣內爲倬雲樓又東爲眉月軒倬雲樓南爲隨安室又東敞宇爲問津逾溪橋有石坊爲斷橋殘雪日天琳宇在彙芳書院之南西前樓下之正宇也其制有中前樓中後樓西前樓西後樓各有穿堂中前樓南有天橋與樓相屬天橋東爲燈亭西前樓南爲東轉角樓西轉角樓中前樓之東垣內八方亭爲楞嚴壇又東別院爲瑞應宮前爲仁應殿中爲感和殿後爲晏安殿東南稻田彌望河水周環中有田字式殿凡四門東北面皆有樓北樓爲

澹泊寧靜東爲曙光樓殿東山門外爲扶翠樓西門外別院內爲多稼軒東臨泥畦爲觀稼軒爲怡情悅目爲稻香亭又東北爲溪山不盡爲蘭溪隱玉多稼軒西也南爲水精城西爲靜香書屋爲招鶴磴池後東北爲寸碧西北爲引勝正北爲亘妙樓河西爲映水蘭香東南爲釣魚磯北爲印月池池北爲知耕織爲濯鱗沼西南爲景織山房以祀鸞神東北爲水木明瑟稍西爲文源閣上下各六楹閣前有巨石名玲峯西爲柳浪聞鶯西北環池帶河爲

濂溪樂處後為雲香清勝東垣為芰荷深處折而東北
 為香雪廊其東樓為雲霞舒卷樓北亭為臨泉南為
 藁芳總春之廟殿額為蕃育羣芳東北樓為香遠益
 清西為樂天和為味真書屋又西為池水共心月同
 明廟東沿山徑出為普濟橋迤北對拍勝為
 多稼如雲前為芰荷香東稍南為湛綠室東北為
 魚躍鳶飛東為暢觀軒西南為鋪翠環流樓南有室為
 傳妙又南出山口為多子亭魚躍鳶飛之東禾疇彌
 望河南北岸仿農居村市者為

北遠山村北岸石垣西偏為蘭野後為繪雨精舍其西
 南為水村圖又西有樓前為皆春閣後為稻涼樓又
 西為涉趣樓右為湛虛書屋西南有室臨河西向為
 西峯秀色河西峯巒峻峙為小匡廬後有龍王廟東為
 含韻齋為一堂和氣東南為自得軒後垣東為嵐鏡
 舫西為花港觀魚西峯秀色迤東東西船塢各一所
 北岸為安瀾園正宇曰

四宜書屋東南為莊經館又南為采芳洲後為飛曉亭
 東北為綠帷舫四宜書屋西南為無邊風月之閣為

涵秋堂爲烟月清真樓樓西稍南爲遠秀山房樓北
度曲橋爲染霞樓

長元按安瀾園做海昌陳氏園名之莊經館采芳
洲飛睇亭綠帷筋無邊風月之閣涵秋堂烟月清
真樓遠秀山房染霞樓并正宇四宜書屋爲安瀾
園十景

方壺勝景在四宜書屋之東臨池樓宇也南建坊二座
其北樓宇爲噦鸞殿爲瓊華樓噦鸞殿東爲葉珠宮
南船塢有龍王廟西北爲三潭印月又西北度橋爲

天宇空明爲澄景堂堂東爲清曠樓西爲華照樓
澡身浴德在福海西南隅卽澄淵榭南爲含清暉北爲
涵妙識折而西向爲靜香館又西爲解愠書屋西南
爲曠然閣北度河橋爲望瀛洲其北爲深柳讀書堂
爲溪月松風

平湖秋月有福海西北隅正宇西爲流水音東北出山
口臨河爲花嶼蘭皋折而東南度橋爲兩峯插雲又
東南爲山水樂其北爲君子軒爲藏密樓

蓬島瑤臺在福海中央門南向正殿前東爲暢襟樓西

爲神仙三島東偏爲隨安室西偏爲日日平安報好
音由蓬島瑤臺東用度橋爲東島有亭曰瀛海仙山
西北度橋爲北島正宇

接秀山房在福海東隅後爲琴趣軒北爲澄練樓爲怡
然書屋爲尋雲樓稍東佛堂爲安隱幢南爲攬翠亭
接秀山房之南有敞宇依山臨河爲

別有洞天西爲納翠樓西南爲水木清華之閣稍北爲
時賞齋別有洞天迤西爲

夾鏡鳴琴南爲聚遠樓東爲廣育官前建坊座後爲凝
祥殿宮東爲南屏晚鍾又東度橋爲西山入畫爲山
容水態夾鏡鳴琴之西爲湖山在望爲佳山水爲洞
裏長春

涵虛朗鏡在福海東卽雷峯夕照正宇其北爲惠如春
爲尋雲榭又北爲碧蘭庭爲會心不遠其南爲臨衆
芳爲雲錦墅爲菊秀松挺爲萬景天全

廓然大公在福海西北隅平湖秋月之西正宇前爲雙
鶴齋西北爲規月橋東北爲綺吟堂又北爲採芝徑
又北經岩洞而出爲峭蒨居北垣門外有樓爲天真

可佳峭蒨居西為披雲徑又西為啓秀亭西稍南為
韻石淙西北平臺臨池為芙蓉深處垣外為影山樓
雙鶴齋西為環秀山房西北為臨湖樓

長元按雙鶴齋規月橋綺吟堂探芝徑峭蒨居天
真可佳披雲徑啓秀亭韻石淙影山樓為廓然大
公十景

坐石臨流在澹泊寧靜之東溪水周環軒宇東向其東
南富碧洞書院正東為

翹院風荷西佛樓為洛迦勝境翹院風荷之南跨池東

西橋九空枋榭二西為金鰲東為玉蟬金鰲西南為
四圍佳境玉蟬東為飲練長虹又東南度橋折而北
設城關為寧和鎮其南為東樓門翹院風荷之北為
同樂園層樓南向為清音閣東為永日堂中有南
北長街街西為抱璞草堂街北度雙橋為舍衛城前
樹枋榭三城南面為多寶閣內為山門正殿為壽國
壽民後為仁慈殿又後為普福官城北為最勝閣
洞天深處在如意館西稍南前宇乃諸皇子所居為
四所東西二街南北一街前為福園門四所之西為

皇子所居

皇子肄業

諸皇子肄業之所前為前垂天賦中為中天景物東為斯文在茲後為後天不老

長元按 圓明園

御製四十景各有小序并詩今自正大光明至洞天深處凡另行頂寫者即四十景之目也

長春園本 圓明園東垣隙地舊名水磨村依長春仙

館命 名園內諸河之水東出七空間灌溉稻田

宮門內正殿為

詹懷堂後為衆樂亭後河北做字為雲容水態西稍南

為長橋雲容水態西北宮門內為合經堂後為淳化

軒東西無嵌

御定淳化閣帖石刻後為蘊真齋額曰禮園書園合經

堂東為霞翥樓額曰味腴書屋為淵映齋堂西為梵

香樓為涵光室 澹懷堂以西濱河水石之間為

禱園門西向內為朗潤齋東為湛景樓又東為菱香泚

朗潤齋有石立于門內為青蓮朶即宋德壽官芙蓉石齋東南

山池間為標勝亭又東南為別有天西北為韻天琴

南角門外別院為委宛藏是為八景有

御製詩勅撰勝亭西壁文

御製重摹梅石碑置書道蓮朵側詩

園後河北岸爲思永齋北爲山色湖光共一樓齋東別院爲

小有天園引西湖汪氏園也 思永齋西南河外爲得全閣南爲寶雲樓齋北水滙中有圓式樓宇三層爲海岳開襟四旁枋楔各一海岳開襟東北爲諧奇趣東爲法慧寺山門樓殿凡二層有

御書額東爲寶相寺山門殿閣凡三層有

御書額 由寶相寺度城關而東迤南爲文翠軒爲熙春洞北爲愛山樓爲澤瀾堂愛山樓東北爲平疇交遠風爲轉湘帆平疇交遠風之東爲叢芳榭爲琴清齋叢芳榭之東爲

獅子林八景曰獅子林虹橋假山納景堂清閣閣藤架磴道占峯亭又續題八景曰清淑齋小香幢探真書屋延景樓畫舫雲林石室橫碧軒水門 獅子林之南爲玉玲瓏正宇爲正誼明道北爲林光澹碧東爲鶴安齋西爲昭和堂

鑑園之後有船塢由鑑園北山徑折而東為東宮
門樓宇東向外為護河有石橋

如園在鑑園西南內為敦素堂北稍東為冠霞閣為明
漪樓由如園山徑西行即澹懷堂之東垣門

清漪園在萬壽山麓 圓明園西二里許臨昆明湖
宮門東向兩石梁下為溪河左右墾門內為

勤政殿有

御製座右銘萬壽山昆明湖記 殿後北達怡春堂西
為玉蘭堂北為宜春館館西為樂壽堂前有巨石鐫

御題青芝岫三字東曰玉英西曰蓮秀

長元按青芝岫即明米萬鍾所運大石置良鄉者

樂壽堂後折而西為方池池北為樂安和西為長廊
達石丈亭西北為養雲軒餐秀亭亭後石壁砌

御書燕臺大觀四字西為無盡意軒稍北為圓朗齋無
盡意軒之後為慈福樓樓西為 大報恩延壽寺

堀羅漢堂後為寶雲閣閣西為邵窩為雲松巢又西
為澄暉閣東南有三層樓額曰山色湖光共一樓西

為聽鶻館館西為石丈亭為石舫舫北有樓為延清

賞西為曠觀齋又西為水周堂 自此以北建城關
關上有樓奉關聖循城北折而西為園之西門
怡春堂後城關以北為

三希堂石刻

墨妙軒

帖

惠山園內池數畝池東為載時堂北為墨妙軒內貯三
希堂續摹石刻墻壁間嵌墨妙軒法帖諸石園池之
西為就雲樓稍南為澹碧齋池南折而東為水樂亭
為知魚橋就雲樓之東為尋詩徑徑側為涵光洞迤
北為霽清軒軒後有石峽其北即園之東北門

長元按惠山園放無錫秦氏寄暢園山載時堂墨

妙軒就雲樓澹碧齋水樂亭知魚橋尋詩徑涵光

洞為園中八景

惠山園西為雲綉軒東為迎綠軒後為隨安室又西
為花承閣閣之左為多寶琉璃塔下有碑勒

御製頌 西北度橋為城關又西折而北為園之北樓

門在萬歲山之北門外以南為長橋 長橋南佛寺

三座曰須彌靈境曰善現寺曰雲會寺 雲會寺北

為構虛軒為繪芳堂西南為清可軒西為味閒齋

北為綺望軒繪芳堂北隔河為嘉陰軒

宮門前東西一堤廓如亭繡漪橋詳見都城

界湖橋之北為景明樓樓西南湖中為藻鑑堂堂西

湖岸為暢觀堂西北湖中圍城為門四其上為治鏡

閣閣北湖岸為延賞齋

長元按延賞齋左右廊嵌耕織圖石刻河北立石

勒耕織圖三字

靜明園在玉泉山下康熙十九年建初名澄心三十一

年更今名康熙雍正間嘗閱武于此

宮門南向內正殿為

廓然大公殿北臨後湖湖中為

芙蓉晴照西為虛受堂堂之西山畔有泉為

玉泉的突上為龍王廟

考按玉泉從山根仰出噴薄如珠寶與的突之義

允合詳見御製記中

泉上碑二左刊天下第一泉五字右刊

御製玉泉山天下第一泉記龍王廟南循石徑入為

竹籬山房南為開錦齋後為觀音洞賞遇樓觀音洞南

為真武廟為呂祖洞旁為雙關帝廟廟南為

聖因綜繪西為寫流軒後為層明宇又西為福地幽居
為冠峯亭迤西梵宇為華藏海又西為

繡壁詩態西為

溪田課耕

臨河皆水田

又西為迸珠泉

繡壁詩態之北為

水月庵東為城關庵北為聖緣寺寺北為仁育官奉
東岳天齊大生仁聖帝像又北為

清涼禪窟後為嘉陰堂東為霞起樓西為犁雲亭仁育
宮前度石橋為園之西官門達香山蹕路也清涼禪
窟之北為涵光齋西為飛淙閣東為練影堂稍南為

掛瀑筆瀉漪齋西夾牆門外為妙喜寺門殿三層西
為靜宜園界

采香雲徑在清涼禪窟之北南有樓曰靜怡書屋稍北
折而東為招鶴庭南為

峽雪琴音迤南山巔為

玉峯塔影前為香岩寺後為妙高臺北峯上為妙高寺
有妙高塔又後為該妙齋妙高峯西為崇鸞軒東為
含醞室為詠素堂 含經堂在妙高寺東山麓其東
北臨溪為書畫舫舍經堂南有樓曰

風篁清聽東為如如室西為近青閣又西稍南為飛雲
岷西度橋而南有池池東為延綠廳西為漱遠絲為
試墨泉又西為

鏡影涵虛南為分鑑曲為寫琴廊為觀音閣寫琴廊迤
南為含暉堂為清音齋齋前為

裂帛湖光齋西山麓為碧雲深處東為心遠閣由心遠
閣折而北為羅漢洞又上為水月洞又西山麓為古
華嚴寺寺後為

雲外鐘聲東為伏魔祠碧雲深處以南為

翠雲嘉蔭後為翠雲堂東為甄心齋

翠雲至嘉蔭即
華滋館門額翠雲

嘉蔭之東為小南門稍南為東宮門

靜明園南宮門西南為影湖樓 小東門外長堤石橋

上建石枋二迤東為界湖橋橋下水北注玉河又北
至青龍橋即達清漪園之蒼道也

長元按自廓然大公至翠雲嘉蔭為靜明十六景

靜宜園在香山前為城關內東西各建坊中架石橋下
為月河度橋為 宮門內為

勤政殿南北配殿前為月河殿後北為致遠齋南向西

爲韻琴齋聽雪軒東有樓爲正直和平殿後西爲梅
秀館東向南爲日夕佳亭北爲清寄軒橫秀館後建
坊內爲

麗囑樓後爲多雲亭麗囑樓後南爲

綠雲甌麗囑樓迤南爲

虛明齋前爲石渠爲流觴曲水爲畫禪室後爲學古堂
東爲郁蘭堂西爲竹芳樓又後宇爲物外超然其外
東西南北四面各設宮門

考按虛明齋相傳卽永安村地學古堂前周嵌

御製靜宜園二十八景詩刻石

東宮門外石路二南達香山寺東建城關達于帶水
屏山門宇南向西爲對瀑北爲懷風樓其左爲琢情
之閣東南爲得一書屋西爲由陽一曲精廬帶水屏
山之西爲

瓔珞岩其上爲綠雲深處瓔珞岩東稍南爲

翠微亭亭東爲

青未了亭迤西岩上爲

馴鹿坡坡西有龍王廟下爲雙井其上爲

蟾蜍峯

考按蟾蜍峯又謂之蝦蟇石雙井水東北注松塢
雲莊內入知樂濠由清音亭過帶水屏山繞出園
門外是為南源之水

蟾蜍峯稍東為松塢雲莊又東為憑襟致爽後為

棲雲樓香山寺前石橋下方池為

知樂濠

香山寺在瓔珞岩之西前建坊山門東向南北為鐘鼓
樓上為戒壇內正殿後殿又後六方樓三層又後山

巔有樓正殿門外有

聽法松山門內有紫羅樹

聽法松三字
鐫于石闌

寺北為觀音閣

後為海棠院院東為

來青軒有

聖祖御書西為妙高堂北為無量殿

湯右曾來青軒敬瞻 御書恭紀丹梯翠磴引躋

攀忽到天開地闊別有樓臺連碧落盡消烟霧

出青山光涵象外千重影氣結空中五色斑斕為

蓮軒懸 御扁墨痕鮮潤似初頒

來青軒西南爲歡喜園東西各有枋榭寺稍西六方
亭爲

暖霜臯寺西北由盤道上爲洪光寺山門東北向內建
毘盧閣殿正殿左爲太虛室又左爲

香鼎室洪光寺前盤道間敞宇爲

霞標磴宇北爲

玉乳泉泉西稍南爲

綉秋林林北爲

雨香館爲灑蘭書屋其南爲林天石海

考按自勤政殿以迄雨香館爲內垣凡景二十

內垣凡六門曰東南門曰東北門西曰約白門西南

曰如意門西北曰中亭子門北曰進膳門

麗囑樓北度嶺爲

晞陽阿西爲朝陽洞後爲觀音閣晞陽阿北爲

芙蓉坪樓東敞宇爲靜如太古芙蓉坪西南爲

香霧窟後爲竹鑪精舍其北岩間有

御書西山晴雪石幢爲燕山八景之一又北爲潔青履

香霧窟南稍東爲

栖月崖其西宇為得趣書屋距崖半里許設石樓門鐫
題曰雲關崖北為

重翠崦其下為龍王堂下有泉崦東南為玉華寺山門
東向內正殿二層西南宇為

玉華岫其東為臯塗精舍寺西南空岩屹立上勒
御題為森玉笏東北為超然堂堂南為瞻覽臺後為碧
峯館森玉笏東北峯上有亭為

隔雲鐘以遙聞大覺生寺華嚴鍾聲也

考按自晞陽阿以迄隔雲鐘為外垣凡景八

長元按乾隆三十六年

皇太后八旬萬壽 賜三班九老宴遊香山次日 命

畫工艾啟蒙繪圖文職九老顯親王衍璜恒親王

崇志大學士劉統勳協辦大學士官保吏部尚書

託庸戶部尚書素爾訥刑部尚書楊廷璋刑部侍

郎吳紹詩工部侍郎三和武職九老都統四格都

統曹瑞散秩大臣國多歡散秩大臣銜甘都副都

統伊崧阿副都統薩哈岱副都統李生輝副都統

富僧阿副都統色瑞察致仕九老刑部尚書銜錢

陳羣內大臣福祿禮部尚書陳惠華兵部侍郎彭
啟豐禮部侍郎銜鄒一桂副都御史呂熾內閣學
士陸宗楷詹事府詹事陳浩國子監司業銜王世
芳此 國家

崇禎之曠典而亦山靈未有之奇遭佇見

聖化日長宏開壽域際斯 恩遇來遊來歌者正不乏

人矣

宸垣識畧卷十一

宸垣識畧卷十二

仁和吳長元太初氏輯

郊坰一

德勝門在京城北之西有

御製詩碑

松林間在德勝門外城河北間水自玉泉山發源由高
梁橋東北流至德勝門外分爲二一由水關入內城
是爲御河一出松林間東流經安定齊化二門歸通
州與白河合關上勒

御製詩

北城兵馬司副指揮署在德勝門外

龍王廟在松林開明嘉靖間重修

宏慈寺有前後二寺在德勝門外東北

考按宏慈前後二寺相去不半里似一寺而分者

攷寺為元興國禪林並于後寺荒草中搜得明肇

迹有元統三年興國禪林之語翰林沈荃作重修

碑記殆本此

長泰寺在宏慈寺北俗名火神廟 本朝初年建

土城關在德勝門外相傳是古薊州遺址亦曰薊邱舊

有樓館並廢但門存二土阜旁多林木蒼鬱蒼翠京

師八景有薊門烟樹即此有

御書薊門烟樹四字為燕京八景之一

出德勝門八里為土城元之舊也正統十四年十月

額森奉上皇車駕登土城以通政司左叅議王復為

通政中書舍人趙榮為太常少卿出見上皇于土城

即此地也

元時居庸關盧溝橋俱有過街塔按歐陽元功詩薊

門城頭過街塔、一、行人通寶間、則薊邱城門亦有之矣、

明姚廣孝薊門詩、雲樹依依接遠邱、時來飛雨灑征裘、不知銅馬坊何在、惟見桑乾水自流、

明金幼孜薊門烟樹詩、野色蒼蒼接薊門、淡烟疎樹碧氤氳、過橋酒幔依稀見、附郭人家遠近分、翠雨落花行處有、綠陰啼鳥坐來聞、玉京畫日多佳氣、縹緲還看映五雲、

明吳寬長至出土城詩、馬上衝寒出北門、豁然平曠識乾坤、地連周圍民猶小、天作燕山勢獨尊、看月未忘黃土寺、披烟仍見白浮村、百官令節長來此、籩豆如流習駿奔、

施閏章薊門詩、薊門風當雨風定、是初晴北闕雲中迴、西山馬上明長楊、春出獵細柳暮移營、儒術慙疎澗、爲郎白髮生、

○瑞光寺大勝寺海雲寺俱在土城今無考

明程敏政土城瑞光寺詩、日下土城根、夷猶古寺門、水聲城外急、人影樹中繁、燕薊諸關擁、金元一

堦存故人期不至馬上共誰論

明吳寬大勝寺詩高樹叢生積水清亂蟬齊噪夕
陽明青苔滿地留人迹黃土何年繫寺名便與詩
家謀共隱不從衲子話無生繩牀久坐涼陰下縛
不爲橋喜更平

明程敏政與李賓之遊海雲寺詩偶過都城北來
遊古磻瀆渺風清細暑小雨浥輕塵忽起殊鄉念
聊閒薄宦身何時重載酒同作看花人

○賢樂堂在德勝門外土城元延祐中賜太保曲出別

業堂名趙孟頫題後有亭曰燕喜取詩魯侯燕喜也

○大壽元忠國寺元托克托建爲皇太子祝釐在土城
本裕倉豐盈倉在德勝門外

北營外西北守備署在德勝門外大關

臥虎橋卽土城外大石橋

原按今之土城卽元大都城故址元時所稱健德
門乃今之土城關北也

多寶佛塔禪院在德勝門土城外西北里許舊名千佛
寺明萬歷乙酉慈聖宣文明肅皇太后建有吏部尚

書趙志臯碑

北極寺在德勝門土城外

碧霞元君廟在北極寺之東俗稱北頂

功德林在土城西北里許有養濟院勅曰功德林雍正

元年重修

○雙線舖在德勝門北明景泰元年築

原按元至元十八年置雙線局提領副使各一員

當在其地

慈度寺在土城關東北建于本朝初年俗名黑寺以

其與雙黃寺同為喇嘛所居此覆以青瓦故名有

聖祖御書額

察罕喇嘛廟在慈度寺北俗呼後黑寺康熙五十二年

聖祖賜無量壽佛二尊供奉大殿

慈救寺在曹八里屯北頂東南距德勝門八里許舊名

五聖庵

西紅廟在德勝門外正黃旗教場北

東紅廟在西紅廟東舊稱團營關帝廟俗稱東紅廟順

治十一年奉

勅重建 賜名忠義殿有

世祖御製碑

考按明景泰間于謙選三大營兵分十營團練號曰團營英宗復辟廢之成化間復立增為十二此廟乃明代團營所祀之神

○鷹房在德勝門外中興土城關外水磨村之東今僅存其地名

明雷思霈詩遼城金壘古鷹房羊角風沙接大荒野窟舊無狐兔蹟小池今有芰荷香黃鸝獨語遮

深柳粉蝶叢飛戀短牆千古幽州還禹甸卜年開

統憶先皇

安定門在京城之東

方澤壇在安定門外北郊形方象地方折四十九丈四

尺四寸深八尺六寸濶六尺澤中貯水方丘北向二

成上成方六丈下成方十丈六尺均高六尺上成正

中六六方磬外八方均以八八積成縱橫各二十四

路三成倍上成八方八八之數半徑各八路以合六

八陰數皆以黃色琉璃每成四出陛各八級皆白

石三成上南左右設五嶽五鎮五

陵山石座鑿山形北左右設四河四瀆石座鑿水形均東西向水形座下鑿池貯水以祭內壇方二十七丈二尺高六尺厚二寸壇北三門六柱東西南各一門二柱柱及楣闕皆白石扉皆朱櫺壇北門外東北鎗杆一西北瘞坎一燎爐五外壇方四十二丈高八尺厚二尺四寸門制與內壇同東西門內從壇瘞坎南北各一壇南門後

皇地祇室五間北向覆黃琉璃圓垣正方周四十四丈

八尺高丈一尺北向設一門外壇西門外 神庫

神廚祭器庫樂器庫各五間井亭二又西為宰牲亭亭前井亭左右各一西北為

齋宮東向正殿七間崇基石闕五出陛左右配殿各七間內宮門三間左右門各一外宮墻周百有十丈二尺門三東向門東北鐘樓一內壇周五百四十九丈四尺北西各三門東南各一門外垣周七百六十五丈西向門三角門一歲以夏至日祭

方丘舊址為明嘉靖九年定 本朝因之屢加寬廣

焉

施閨章陪祀 方澤詩雨後仙壇碧草芳遙聞玉

露出芝房崇幄柏帶青霜氣方澤波含明月光

天仗旌旗嚴咫尺精靈嶽瀆走蒼茫朝來回 輦

西山見五色晴雲接建章

北營游擊署在安定門外大街

東黃寺在安定門外鑲黃旗教場北順治八年

勅就普靜禪林興建有

聖祖御書及碑記

世宗重修東黃寺碑又

皇上御製詩勒康熙碑陰

西黃寺在東黃寺西雍正元年建有

世宗御書聯額并御製碑又

皇上御製碑

清淨化城廟在西黃寺側乾隆四十八年建有

御製清淨化城塔記清漢蒙古梵字四體書

資禪院在雙黃寺西北康熙六十年羣臣祝釐萬壽

聖祖允哲卜尊丹巴砌土克圖諸蒙古汗王貝子貝勒

公台吉塔布囊詩

賜名資福

華藏寺在安定門土城外龍到村

護國天仙廟在土關之北大屯村內磬一鐘一皆明萬
歷年造

真武廟在永安莊何各村明正統間重修碑稱爲太清
觀羽士居之 本朝乾隆戊辰年重修

北路同知署在沙河去安定門四十里

施閏章沙河詩郭外青郊遠 宸遊數往還平蕪

元戰地遺鐵尚田間沙漲寒河水天高接塞山從
來防北口征戍此時間

滿井出安定門外東行五里許井徑五尺餘清泉突出
冬夏不竭好事者鑿石闌以束之水常浮起散漫回
溢井旁蒼藤豐草掩映小亭都人詭爲奇勝

明林堯俞滿井詩寒泉凝碧甃一酌冷人心素纒
無妨短銀牀半欲沈畦渟魚藻入林影鳥巢深偶
值堤邊爽愜然似漢陰

朱彝尊滿井訪崙上人詩郊行方澤外路轉古城

漢小雨乍撥火、輕風無聚沙、青蓮過橋寺、紅杏隔
墻花、一笑遠公在、催停轂、鯨車

考按安定門外東行五里、觀音寺之側有高井、一
潤百畝、四時流溢、或卽其地、德勝門西北東廡房
村有稱爲滿井者、廣可又餘圍、以甃、泉味清甘、
四時不竭、水滲于地、流數百步而爲池、足人汲飲、
賴之、蓋郊北之水、來自西山、固無足異、載筆者以
相去不遠、方名互訛、未可知也

東直門在京城東之北

望京村墩臺在東直門外明景泰間築

望京館在城東北五十里孫侯村、遼建爲南北使
宿息飲餞之所、宋王曾上契丹事曰、出燕京北門至
望京館卽此

考按今其地名孫河屯、或孫侯村之轉音也、爲古
北口孔道

春場在東直門外一里順天府尹迎春自場入于府舊
有迎春亭、今廢有碑存

北營外東北守備署在東直門外大街

華光寺在東直門外之北有明天順間重修碑

○靈惠寺在東直門外之南有勅建碑今廢

明金忠潔公鉉墓在東直門外六里今墓碣存

金公鉉甲申三月以兵部主事巡視皇城盡節玉河
時有中官呂胖子同死二公骨不可辨其家人遂同
葬之玉河岸

碧霞元君廟在東直門外俗呼東頂

朝陽門在京城東之南門外築石道東至通州有

御製重修朝陽門石道碑

東城副指揮署在朝陽門外雞市口

中營外東守備署在朝陽門外大街

北營外西一守備署在朝陽門外雞市口頭條衚衕

天妃宮出朝陽門沿河往南明成化時建其地名大橋

北西河沿有大學士丘濬碑

東嶽廟在朝陽門外元延祐中建累朝歲時勅修編廟

戶守之 本朝康熙三十九年重建乾隆二十六年
修葺有

聖祖暨

宸垣職畧

卷十二

十一

今上御書扁額并御製碑文御製詩

朝陽門外有東嶽廟其塑像劉鑿手製墀中豐碑三道其一爲張天師神道碑趙文敏孟頫書其一爲仁聖宮碑虞文靖集隸書其一爲昭德殿碑趙世延書大都南城長春宮都提點馮道頤始作東嶽廟天宮之東謀于其徒曰不得劉正奉詔名手無以稱吾祠且正奉嘗從吾徒游將無靳乎卽詣正奉言之正奉以前勅未之許也是時廟未成民間以靈異禍福相恐動事未甚顯灼馮去後正奉果恍惚若有所感者

劉正奉

病不知人者二日或爲之禱乃起謂門人子孫曰速爲我御我且之東嶽廟至廟疾良已會立廟奏御正奉祝曰願親造二皇帝像旣而疾大安又進有一品益喜曰是神之賜也因又造炳靈公司命君像而佐侍諸神有弗當其意悉更之蓋幾有神助者仰瞻仁聖帝巍巍乎帝王之度矣餘皆稱其神之所以名者初正奉欲造侍臣像心計久之未措手也適閱秘書圖畫見魏徵唐像乃矍然曰非若此莫稱爲相臣者遽走廟中爲之卽日成正殿仁聖帝兩侍女兩中侍

四丞相兩介士其西炳靈公兩侍女兩儀臣其東司命君兩道士兩仙官兩武士兩將軍皆出正奉之手善觀者知非他工所有維其間也長春之白雲觀金人汾王先生十一躍奇妙為世所稱道今遂配之畧不可優劣又上都三皇像尤古粹造意得三聖人之微亦正奉之所造也

查嗣興詩阿哥尼後孰知名活脫爭傳正奉精昔日黃冠今紫綬莫將博換等閒輕

勞宗茂謁東嶽行宮詩絳闕東郊近神功仰大生

祀隆三代興化治萬方平肅肅冠裳侍森森羽衛

縈緬思劉正奉妙手發精誠象為元正奉大夫劉元塑

考按劉鑿應作劉元觀學古錄輟耕錄可證其誤

至鑿在元前別是一人詳見皇城天慶宮所引析

津日記條下廟內趙孟頫碑存虞集趙世延二碑

今無考

○昆吾公廟金天德中建

○官窰場白虎廟元道士吳全節建

○元真觀明正德中太監劉瑾建有大學士李東陽碑

淨住寺在朝陽門外乾隆三十二年修有

御製碑清漢字各一通

○元董字宗杏花園在上東門外植杏千株字定張留
孫弟子三十八人之二也虞道園歐陽原功陳眾仲
揭曼碩果羅洛易之皆有題咏

元虞集風入松詞畫堂紅袖倚晴酣華髮不勝簪
幾回晚直金鑾殿東風軟花裏停驂書詔許傳官
燭香羅初剪朝衫御溝冰泮水拖藍飛燕又呢喃
重重簾二寒猶在憑誰寄金字泥牋為報先生歸

也杏花春雨江南

元張仲舉摸魚兒詞記蘭臺舊時風景西樓燈火
如畫嚴城月色依然好無復綺羅游冶歡意謝向
客裏相逢還有思陶寫金尊翠管把錦字新聲紅
牙小拍分付倦司馬繁華夢喚起燕嬌鶯姪肯教
孤負元夜楚芳玉潤吳蘭媚一曲夕陽西下沈醉
罷君試問人生誰是無情者先生歸也但留意江

南杏花春雨和淚在羅帕楚芳吳蘭
二妓名

長元按詞苑叢談云道園詞題于羅帕柯敬仲購

得之、裝潢作軸、張仲舉爲賦、摸魚子紀其事、兩公之詞、皆極溫麗、足爲玉堂佳話、

○激芳學元道士吳全節建、初燕地未有梅花、閑閑嗣師從江南移至、護以穹廬、扁曰激芳亭、時羽士張伯雨號句曲外史、從王溪月真人入京、偶造其所、若與西湖故人遇、徘徊旣久、不覺熟寢、其中日暮歸道、所由嗣師命作人、伯雨遂賦長歌、有風沙不憚五千里、將身跳入仙人壺之句、嗣師大喜、送翰苑諸公、和之、伯雨由是知名、

朝日壇在朝陽門外東嶽廟南、數武壇制方、西向、一成方五丈、高五尺九寸、面甃金磚、陞四出、皆白石、各九級、圓壇周七十六丈五寸、高八尺一寸、厚二尺三寸、壇正西三門、東南北各一門、凡甲丙戊庚壬年親祭、餘遣官、每年春分日祭、以卯時、壇上金版朱書大明之神位、

勞之辨朝日壇陪祀詩扶桑一出遍寰中、壇墀春風禮向東、位首三辰光燭物、象尊兩曜晝懸空、經天度數乾坤合、掃地規模斤澤同、九獻告終歸

颯緩金烏已射古壇紅

黑松林在朝日壇外古松萬株森沈蔽日都人常游宴于此

明孫之茂蝶戀花詞落盡棠陰春已暮芳草多情
纔過濛鬆雨柳絮顛狂飛不住秋千正在濃陰處
廟口神弦初罷舞畫扇輕衫隨意城東步笑逐鈿
車歸去路洒香一行青松樹

○月河寺在朝陽關南苜蓿園之西古名寶藏寺有一
粟軒聚景亭諸蹟今皆圯廢

月河梵院僧道深別院也池亭幽雅甲于都邑道深
通儒書明宣德中住西山蒼雪庵賜號圓融顯密宗
師後歸老乃營此自娛自號蒼雪山人程敏政爲記

○南北通法寺有勅建碑已廢
隆壽寺在朝陽門外有勅建碑今存其相近有長壽寺
亦係勅建已廢

○東郭草堂明興濟伯楊善別業已廢

太平倉萬安西倉儲濟倉在朝陽門外

蔬糧臺在朝陽關外六里舊傳唐太宗東征高麗屯兵

虛設困倉以誘敵人俗因呼其地曰誑糧臺

慈雲寺在朝陽門外八里莊乾隆三十三年

勅建有 御書石扁

東路同知署在通州去朝陽門四十里

東便門在外城之東北隅

裕豐倉萬安東倉在東便門外

大通橋在東便門外東至通州入白河開渠置閘而漕

舟不行自大通橋起至通州石壩計四十里地勢高

下四丈中間設慶豐等五閘以蓄水每閘名設官吏

編夫一百八十名造銅船二百隻大通河舊名通惠

河元郭守敬所鑿俗亦名裏漕河 本朝康熙乾隆

間屢加疏濬漕艘之分運京倉者實利賴焉有

御製閘五閘詩碑

通惠河源自昌平平縣白浮村引神山泉西折南轉過

雙塔榆河一畝泉玉泉諸水至西門入都城南漕為

積水潭東南出文明門東至通州高麗庄入白河總

長一百六十四里一百四步元世祖至元三十年告

成賜名曰通惠

白浮泉今入清河一畝泉在甕山後已塞甕山下玉
龍青龍等泉入西湖經高粱橋注阜城濠一自南流
入內一自東會入通惠四里至慶豐慶豐十一里至
平津慶豐地形高平津一丈許水陡絕故平津開則
慶豐河身立見矣

明徐階夏日游通惠河詩頗憶三江遠乘流意若
何水深秋氣入樹密雨聲多熟果當尊落驚禽拂
棹過柳陰催繫纜欹枕聽漁歌

勞宗茂游二閘詩紅船白板綠烟絲好句揚州杜

牧之何事大通橋上望風光一樣動情思慶豐
纔過又平津立過通渠轉遞頻莫謂盈盈衣帶水
勝他多少犢輪辛

○雙清亭在通惠河上元都水監張經歷園也今廢

元宋褰春暮雙清亭小酌懷張孟功詩吏退公庭
雁鷺行持杯暫對水雲鄉山開菴畫瀾清影花落
胭脂漾晚香酒幟隔津標柳陌漁舟避浪向蒲塘
懷人不得同相賞空賦停雲第二章

大通橋公署在通惠河北岸門東有明夏言詩勒石

藍龍殿金章宗鹿園遺蹟在大通橋東

大通橋東有鹿園方廣十餘里地平如掌古樹偃仰與高冢相錯傳是金章宗時故址

三忠祠在大通橋東里許地名槐村義士周珍創建祀漢諸葛武侯宋岳武穆王文信公祠後有濯纓亭卽河之畔

明何景明三忠祠詩三忠祠在帝城東檜栢陰陰沙院風朝暮衣冠類下馬春秋香火一開宮中原涕淚江山遠異代精靈廟宇同漢業崩摧如宋業

古今南北恨無窮

○匏瓜亭元趙參謀別墅趙名禹卿有王鶚記王鶚敘劉因詩去城東十里又曰東臯村當時日曰趙匏瓜今莫詳其址

元王惲匏瓜亭詩築臺連野色架木繫匏瓜舍外開三徑壺中自一家愛吟歌白苧醺酒脫烏紗更喜南窗下秋風菊半華

長元按舊聞載匏瓜亭于右安門之南因帝京景物畧于草橋下有趙參謀之匏瓜亭在彌望間蓋

循元志之舊考謂去城東十里移子東便門外本
王秋澗詩陽春門外望東臯也

廣渠門在外城之東

中營外東南守備署在廣渠門外關廂天街

尤侗過都城詩沙河門外草蕭蕭落日西山影寂
寥空繞紫城尋陌路祇看白塔起雲霄天邊大老
施行馬月下孤兒出射鵬三過長安緣底事使車
不爲午門朝

神木廠在廣渠門外二里許明永樂時神木尚存有

御製神木謠勒石

北京神木廠大木俱刻字爲記其上有王二姊張點
頭嫌河窄混江龍之名皮爛心存對面猶不見

延壽寺在馬坊去廣渠門十八里有浮圖一明嘉靖中
建有禮部侍郎許成名戶部郎中李景二碑

圓覺寺在武基去廣渠門二十里明正統中司禮監金
溶建初名報恩賜額圓覺有正統嘉靖間碑三

○崩徹墓在廣渠門外八里莊古阜高可四尺墓前有
井

原按于欽齊乘崩徹墓在臨淄東二里漢書徹范
陽人高祖曰徹齊辯士故卒葬此未知孰是

左安門在外城之東南

宏善寺在左安門外迤東魏村社明正德中太監韋霖
建俗呼韋公莊園亭已圯海棠蘋婆柰子俱無存惟
假出深溪在耳寺後有靜樂軒尚修潔西壁有康熙
初禹之鼎畫雙鶴圖東壁有陳奕禧書徐渭畫鶴賦
時稱二妙

韋公莊有柰子古樹婆娑數畝春時花開望之如雪

卉木三絕

三夏葉特繁茂列坐其下烈日不到袁公安嘗謂戒
壇老松顯靈宮栢韋莊柰子可稱卉木中三絕一
韋氏別業四圍多水荻花蘆葉寒雁秋風令人作江
鄉之想寺南觀音閣蘋婆一株高五六丈寺內西府
海棠二株高二尋每開時爛如堆綉香氣滿亭昔人
恨海棠無香誤也

海棠

明王世貞集韋氏水亭詩偶成春服始披侶問幽
蹤芳草近寒食空林聞午鐘驚波雙鳥出迷路一
僧逢欲竟名園賞停杯感慨重

王士禎宏善寺看海棠詩韋杜城南十萬家東風處處酒旗斜不知冷節匆匆過猶又僧樓一樹花

木魚聲靜佛香遲日午風簾自在垂好是維摩方丈室恰逢天女散花時

宋舉過韋公寺詩竟阻尋幽興空攜作賦才開樽思兔苑杖策過香臺畫棟秋雲隔松關暮雨催南征聞奏捷飛蓋會追陪是日游安親王園不得進而返

查嗣琛雜咏詩一株柰子數畝雪六女蘋婆萬朶霞少借山僧甕中酒來看官監寺前花

○金井在魏村社明永樂嘗駐蹕于此飲而甘之遂命甃焉今無考

隆禧寺在左安門外迤西東臯村明弘治十三年大監李興建賜額隆禧有弘治萬歷間碑二

永定門在外城正南

南城副指揮署在永定門外

中營正南守備署在永定門外

燕墩在永定門外半里許官道西恭立

御碑臺勒

御製帝都篇皇都篇均清漢書臺高二丈許繚以周垣
碑立正中形方而長北面下刻諸神像頂刻龍紋

金臺在永定門外東南三里許巋然土阜有亭勒
御書金臺夕照四字爲燕京八景之一

金臺有三在易水東南者曰大金臺在大興縣東南
者曰西金臺又曰小金臺卽燕昭王師事郭隗置千
金于上以延天下士者金人慕其名亦築此臺在舊
城內游者往往極目于斜陽之中徘徊留戀

原按隋上谷圖經黃金臺在易水東南十八里鄧

道元注水經言昭王禮賢廣延方士不欲令諸侯
之客伺隙燕邦故修建下都館之南垂則金臺在
易州明矣京師故蹟傳是後人所築然自六朝至
今垂之載記形之歌咏所當並存不廢夫燕之臺
匪一京城之金臺安知非寧臺展臺之舊邦
長元按元納新南城咏古詩注金臺在大悲閣東
南隗臺坊內其地約今白紙坊始金所築也

明林環金臺夕照詩尚臺曾此置黃金人去臺空
碧草深落日未窮千里望青山遙映半城陰雁將

秋色來平野，鴉帶寒光過遠林。昭代賢才登用盡，
不須懷古動長吟。

曹仁虎黃金臺詩：宮臺百尺薊邱邊，北面猶思事
隗。年未必懸金能致客，只緣擁篲善尊賢。甘棠世
胄遙分召，析木封疆竟霸燕。莫向通震同弔古，通震
臺亦燕昭王築從來求士勝求仙。

○元郊臺在麗正門東南七里，其地約今永定門外。

明駙馬都尉鞏永固墓在永定門外。

海會寺在馬家村，明嘉靖間建。本朝順治間重修，乾

隆二十二年復加繕葺。正殿有范銅佛像，有

御書額并御製詩碑。

孫廷銓丙申長至，駕在南苑被命齋宿，循大紅門

張幕海會寺，和李坦園學士詩，御宿迢遙接泰壇。

微微鐘漏夜將闌，雙林月上金輪靜。七枝風清玉

幢寒至，空夜談梁太傅桂宮晨啟漢祠官由來，郢

曲高難和，徒傍卿雲借日看。

凉水河其源出右安門外西南鳳泉，東流經萬泉寺，分
為二支：一南經草橋，一北經廣恩寺，俱東注永勝橋。

合爲一東南流至小紅門之西人南苑滙一畝泉
及三海子諸水由五空橋出經馬駒橋東流至張家
灣入潞河乾隆三十八年共修河道八千餘丈詳見
疏濬事宜有

御製涼水河詩勒石大紅門外永勝橋東

碧霞元君廟在 南苑大紅門外土人呼爲南頂

龍山在南頂永勝橋北岸乾隆間疏濬涼水河之土
堆成自西至東約長三里高二三丈不等委蛇起伏
宛如游龍環植桃柳萬株開廟時游人拏蓋敷席羣

飲夏木陰陰水田漠漠不減江鄉風景也

吳巖游南頂詩柳映紅亭水映橋碧霞宮殿鬱密
堯年年五月開香社大好風光慰寂寥 龍岡委

宛似卷阿披拂薰風爽氣多一帶韋柵臨水岸酒
徒豪飲姣童歌

○永平館一名碣石館遼時朝士宴集之所明一統志
云在府南一十里約今永定門外

南苑在永定門外二十里元爲飛放泊

詳苑圖

元靈宮在南苑小紅門內西偏順治十四年建內有朝

元門構元極殿奉

玉皇上帝內為凝思殿奉三清四皇像東曰翊真殿奉

九天真女梓潼像西曰祇元殿奉三官像官門後圍

房一十六楹中三間為靜室有

御製詩碑

永慕寺在小紅門西南康熙三十年建大殿五間東西

配殿各三間後為經庫為

孝莊祝釐之所

德壽寺在永慕寺東順治十五年建後殿于火乾隆二

十年重修門殿二層後為御座房有

御製重修德壽寺碑

關帝廟在德壽寺西南里許建自前明本朝乾隆三

年重修殿三層

永祐廟在德壽寺東南二里許康熙十七年建門殿三

層中奉天仙碧霞元君為

孝康祝釐之所

瞭鷹臺在南海子內中有殿殿傍瞭鷹臺臨三海子築

七十二橋以渡元之仁虞院也明天順三年修南海

子大紅橋一、小橋七十五

元時冬春之交、天子親幸近郊、縱鷹隼搏擊、以爲遊豫之度、謂之飛放、至順二年、築柳林海子堤堰、

查慎行詩、紅門草長少飛埃、萬頃平疇掌上開、一道修眉濃似畫、近南遙識掠鷹臺、

魏之琇詩、晾鷹臺迥接滙汀、民樂咸歌固治靈、七

十一橋虹影度、騎郎爭放海東青、

海子西北隅、清明日、蟻集成邱中、一邱高丈、旁三四邱亦數尺、竟日乃散、土人呼爲螞蟻墳、西墻有沙岡、

清明蟻集

委蛇感成增空言有四、又土人曰沙龍、

長元按螞蟻墳、宛平志云、相傳遼將伐金、全軍沒此、魂無主者、化爲沙蟲、感時序而動、理或有焉、竊以此語傳會詩、東山篇、鶴鳴于垤、山東蟻塚、有極高大者、如塚墓然、孟子所謂丘垤、丘是自然、高處垤乃蟻塚、上土共盤、馬于蟻封、卽此是也、以是知南苑蟻墳、亦蟻垤之類、惟清明日、蟻集其上、爲可異耳、若純蟻、疊成次日散去、仍爲平地、卽聚萬億之蟻、不能纍纍、若是理未可信、以俟見者訪之、

寧佑廟在晾鷹臺北六里許雍正八年建大殿奉南苑
安禮司土神像有

御書額并御製海子行詩

龍王廟在黃村門內 行宮之東額曰珠源寺半山房
五楹曰拂雲岫西河房五楹曰月漪皆

御書

海子內泉源所聚曰一畝泉曰團河而瀦水則有五海
子考一畝泉在新衙門之北曲折東南流經舊衙門
南至二闌凉水河自海子外西北來入苑瀆之其水

發源右安門外之水頭莊東流折而入海子北墻至
張家灣入運團河在黃村門內導而東南流逕晾鷹
臺南過南紅門五海子之水自北注之又東流出海
子東南是爲鳳河東流歷東安武清境至天津之雙
口與永定河會渾水藉此蕩漾乃成清流又東至韓
家樹入大清河又東至西沽入運雖五海子之水與
凉水河團河時相灌輸而二河正流仍各判別若玉
泉則由昆明湖達于長河穿禁城出東南流爲通惠
河至通州入運並不經行海子與一畝泉團河渺不

相涉綜而論之通惠河源在北入運最近凉水河源
居中入運次近鳳河源在南入運最遠源委秩然不
紊前代著述家未加稽考率以玉泉牽附海子支離
可笑因詳訂之

團河一支醜爲鳳河其形如鳳源在南苑中流出東
南隅至武清之緱上村河身深廣以下填淤斷續一
遇伏秋雨潦散漫無歸雍正四年命修水利查有
凉水河發源水頭莊貫南苑出宏仁橋東流至高各
莊東北流抵張家灣入運乃于高各莊分流南引至

緱上村入鳳河故道一路挑挖過雙口抵清沽港入
淀河仍于分流之處各建一閘水小則開東閘啟南
閘流入鳳河水大則閉南閘啟東閘洩入運河次年
河成宛平潮縣武清東安一帶積潦盡消桐林牛鎮
三間房等處開渠引水各營田數十頃

長元按以上二條從

御製詩注錄出源委分疏明晰條暢足訂歷來著述家
之謬

采育古安次縣采魏里也去都七十里明初爲上林改

名蕃育署統于上林苑不隸京府乃元時沙漠地永
樂二年移山東西民填之有恒產無恒賦但以三畜
爲賦計營五十八舊有鵝鴨城

采育東南二十里有阜高一丈廣三四十尺曰聚燕
臺燕秋社燕辭巢日必各將雛數千百聚此臺呢喃
一二日然後分飛而去今無考

南路同知署在黃村

宸垣識畧卷十二

